

四庫全書

集部

欽定四庫全書

御定全唐詩卷三百四十

韓愈

辛卯年雪

元和六年春寒氣不肯歸河南二月末雪花一尺圍崩

騰相排拶

子達切又子末切

龍鳳交橫飛波濤何飄揚天風吹

播旂白帝盛羽衛髮髻振裳衣白霓先啓途從以萬玉  
妃翁翁陵厚載譁譁弄陰機生平未曾見何暇議是非

或云豐年祥飽食可庶幾善禱吾所慕誰言寸誠微

醉留東野

昔年因讀李白杜甫詩長恨二人不相從吾與東野生  
並世如何復躡二子蹤東野不得官白首誇龍鍾韓子  
稍姦黠自慙青蒿倚長松低頭拜東野願得終始如駟  
騄東野不回頭有如寸筵撞鉅鐘我願身為雲東野變  
為龍四方上下逐東野雖有離別無由逢

李花二首

平旦入西園梨花數株若矜夸旁有一株李顏色慘慘  
似含嗟問之不肯道所以獨繞百匝至日斜忽憶前時  
經此樹正見芳意初萌芽奈何趁酒不省錄不見玉枝  
攢霜葩泫然為汝下雨淚無由反旆羲和車東風來吹  
不解顏蒼茫夜氣生相遮冰盤夏薦碧實脆斥去不御  
慚其花

當春天地爭奢華洛陽園苑尤紛拏誰將平地萬堆雪  
翦刻作此連天花日光赤色照未好明月暫入都交加

夜領張徹投盧仝乘雲共至玉皇家長姬香御四羅列  
縞裘練帨無等差靜濯明妝有所奉顧我未肯置齒牙  
清寒瑩骨肝膽醒一生思慮無由邪

招楊之果

之果憲宗元和十一年進士愈為河南今之果自中山來相從問學惜其

歸以詩  
招之

柏生兩石間萬歲終不大野馬不識人難以駕車蓋柏  
移就平地馬羈入廄中馬思自由悲柏有傷根容傷根  
柏不死千丈日以至馬悲罷還樂振迅矜鞍轡之果南

山來文字得我驚，館置使讀書。日有求歸聲，我令之眾歸。失得柏與馬之眾，別我去計出柏馬。下我自之眾歸，入門思而悲之。眾別我去，能不思我為灑埽縣中居。引水經竹間，囂譁所不及。何異山中閒，前陳百家書。食有肉與魚，先王遺文章。綴緝實在余，禮稱獨學陋。易貴不遠復，作詩招之眾。晨夕抱飢渴。

寄盧仝

憲宗元和六年  
河南令時作

玉川先生洛城裏，破屋數間而已矣。一奴長鬚不裹頭，

一婢赤脚老無齒辛勤奉養十餘人上有慈親下妻子先生結髮憎俗徒閉門不出動一紀至今鄰僧乞米送僕忝縣尹能不恥俸錢供給公私餘時致薄少助祭祀

勸參留守

鄭餘慶

謁大尹

李素

言語纔及輒掩耳水北山人

石得名聲去年去作幕下士水南山人

溫造

又繼往鞍馬

僕從塞間里少室山人

李渤

索價高兩以諫官徵不起彼

皆刺口論世事有力未免遭驅使先生事業不可量惟用法律自繩已春秋三傳東高閣獨抱遺經究終始往

年弄筆嘲同異怪詞驚衆謗不已近來自說尋坦途猶

上虛空跨綠駟去年

一作歲

生兒名添丁意令與國充耘

籽國家丁口連四海豈無農夫親耒耜先生抱才終大  
用宰相未許終才仕假如不在陳力列立言垂範亦足  
恃苗裔當蒙十世宥豈謂貽厥無基趾故知忠孝生天  
性潔身亂倫安足擬昨晚長鬚來下狀隔牆惡少惡難  
似每騎屋山上一作上下窺闕渾舍驚怕走折趾憑依婚媾  
欺官吏不信令行能禁止先生受屈未曾語忽此來告

良有以嗟我身為赤縣令操權不用欲何俟立召賊曹  
呼伍伯盡取鼠輩尸諸市先生又遣長鬚來如此處置  
非所喜況又時當長養節都邑未可猛政理先生固是  
余所畏度量不敢窺涯涘放縱是誰之過歟效尤戮僕  
愧前史買羊沽酒謝不敏偶逢明月曜桃李先生有意  
許降臨更遣長鬚致雙鯉

酬司門盧四兄雲夫院長望秋作

長安雨洗新秋出極目寒鏡開塵函終南曉望躡龍尾

倚天更覺青巉巖自知短淺無所補從事久此穿朝衫  
歸來得便即遊覽暫似壯馬脫重銜曲江荷花蓋十里  
江湖生目思莫緘樂遊下矚無遠近綠槐萍合不可芟  
白首寓居誰借問平地寸步局雲巖雲夫吾兄有狂氣  
嗜好與俗殊酸鹹日來省我不肯去論詩說賦相誦論  
望秋一章已驚絕猶言低抑避誇讒若使乘酣騁雄怪  
造化何以當鷓鴣嗟我小生值強伴怯膽變勇神明鑒  
馳坑跨谷終未悔為利而止真貪饒高揖羣公謝名譽

遠追甫白感至誠樓頭完月不共宿其奈就缺行攔攔

所咸切一  
作織織

誰氏子

呂昞河南人元和中棄其妻著道士服謝母曰當學仙王屋山去數月復出見

河南少尹李素素立之府門使吏卒脫道士服給冠帶送付其母

非癡非狂誰氏子去入黃屋稱道士白頭老母遮門啼

挽斷衫袖留不止翠眉新婦年二十載送還家哭穿市  
或云欲學吹鳳笙所慕靈妃媿簫史又云時俗輕尋常  
力行險怪取貴仕神僊雖然有傳說智者盡知其妄矣

聖君賢相安可欺乾死窮山竟何俟嗚呼余心誠豈弟  
願徃教誨究終始罰一勸百政之經不從而誅未晚耳  
誰其友親能哀憐寫吾此詩持送似

河南令舍池臺

灌池纔盈五六丈築臺不過七八尺欲將層級壓籬落  
未許波瀾量斗石規摹雖巧何足誇景趣不遠真可惜  
長令人吏遠趨走已有蛙黽助狼籍

送無本師歸范陽

賈島初為浮屠名無本

無本於為文身大不及膽吾嘗示之難勇往無不敢蛟

龍弄角牙造次欲手攬衆鬼囚大幽下覩襲玄宮音天

陽熙四海注視首不頷

一作頷  
低頭也

鯨鵬相摩宰音兩舉

快一噉夫豈能必然固已謝黯黠音狂詞肆滂葩低昂

見舒慘姦窮怪變得徃徃造平澹蠶蟬碎錦纈綠池披

菑苜芝英摧荒榛孤翮起連茨家住幽都遠未識氣先

感來尋吾何能無殊嗜昌歎

徂感切

始見洛陽春桃枝綴

紅糝遂來長安里時卦轉習坎

愈遷職方員外郎島  
來別時十一月故云老

嬾無鬪心久不事鉛槧欲以金帛酬舉室常頗音坎頷念  
當委我去雪霜刻以懜獰飈攪空衢天地與頓撼勉率

吐歌詩慰女別後覽

石鼓歌

歐陽修集古錄云石鼓文在岐陽初不見稱於世至唐人始盛稱之而韋應物

以為周文王之鼓至宣王刻詩耳韓退之直以為宣王之鼓在今鳳翔孔子廟鼓有十先時散棄於野鄭餘慶始置於廟而亡其二皇祐四年向傳師求於民間得之十鼓乃足石鼓文可見者其畧曰我車既攻我馬既同又曰我車既好我馬既駒君子員獵員獵員游麋鹿速速君子之求又曰左騂騂右騂騂秀弓時射麋豕孔庶又曰其魚維何維鱣維鯉何以索之維

楊與柳

張生手持石鼓文

生即籍

勸我試作石鼓歌少陵無人謫

仙死才薄將奈石鼓何周綱陵遲四海沸宣王憤起揮

天戈大開明堂受朝賀諸侯劔佩鳴相磨蒐於岐陽騁

雄俊萬里禽獸皆遮羅鐫功勒成告萬世鑿石作鼓隳

嵯峨從臣才藝咸第一揀選撰刻留山阿雨淋日炙野

火燎鬼物守護煩搗呵公從何處得紙本毫髮盡備無

差訛詞嚴義密讀難曉字體不類隸與科年深豈免有

缺畫快劍斫斷生蛟鼉鸞翔鳳翥衆仙下珊瑚碧樹交  
枝柯金繩鐵索鎖紐壯古鼎躍水龍騰梭陋儒編詩不  
收入二雅褊迫無委蛇孔子西行不到秦倚摭星宿遺  
羲娥嗟子好古生苦晚對此涕淚雙滂沱憶昔初蒙博  
士徵其年始改稱元和故人從軍在右輔為我度量一作  
量掘曰科濯冠沐浴告祭酒如此至寶存豈多羶包席  
裏可立致十鼓祇載數駱駝薦諸太廟比部鼎光價豈  
止百倍過聖恩若許留太學諸生講解得切磋觀經鴻

都尚填咽坐見舉國來奔波剗苔剔蘚露節角安置妥  
帖平不頗大厦深簷與蓋覆經歷久遠期無佗中朝大  
官老於事詎肯感激徒媿音媿音阿牧童敲火牛礪角誰  
復著手為摩挲日銷月爍就埋沒六年西顧空吟哦義  
之俗書趁姿媚數紙尚可博白鵝繼周八代爭戰罷無  
人收拾理則那方今太平日無事柄任儒術崇丘軻安  
能以此上論列願借辯口如懸河石鼓之歌止於此嗚  
呼吾意其蹉跎

雙鳥詩

雙鳥海外來飛飛到中州一鳥落城市一鳥集巖幽不  
得相伴鳴爾來三千秋兩鳥各閉口萬象銜口頭春風  
卷地起百鳥皆飄浮兩鳥忽相逢百日鳴不休有耳聒  
皆聾有口反自羞百舌舊饒聲從此恒低頭得病不呻  
喚泯默至死休雷公告天公百物須膏油自從兩鳥鳴  
聒亂雷聲收鬼神怕嘲詠造化皆停留草木有微情挑  
抉示九州蟲鼠誠微物不堪苦誅求不停兩鳥鳴百物

皆生愁不停兩鳥鳴自此無春秋不停兩鳥鳴日月難  
旋轉不停兩鳥鳴大法失九疇周公不為公孔丘不為  
丘天公怪兩鳥各捉一處囚百蟲與百鳥然後鳴啾啾  
兩鳥既別處閉聲省愆尤朝食千頭龍暮食千頭牛朝  
飲河生塵暮飲海絕流還當三千秋更起鳴相酬

贈劉師服

一作命

羨君齒牙牢且潔大肉硬餅如刀截我今呀一作牙豁落  
者多所存十餘皆兀艷匙抄爛飯穩送之合口頓嚼如

牛啣妻兒恐我生，悵望盤中不飭粟。與黎祇今年纔四十五後，日懸知漸莽鹵。朱顏皓頸訝莫親，此外諸餘誰更數。憶昔太公仕進初，口含兩齒無羸餘。虞翻十三比豈少，遂自惋恨形於書。丈夫命存百無害，誰能點檢形骸外。巨緡東釣儻可期，與子共飽鯨魚膾。

題炭谷湫祠堂

在京兆之南終南之下祈雨之所也南山秋懷詩皆見之

萬生

一作物

都陽明幽暗，鬼所窳嗟龍。獨何智出入，人鬼

間不知誰為助。若執造化關，厭處平地水。巢居插天山

列峯若攢指石孟仰環環巨靈高其捧保此一掬慳森  
沈固含蓄本以儲陰奸魚鼈蒙擁護羣嬉傲天頑翺翺  
喧棲音託禽飛飛一何閒祠堂像侔真擢玉紆煙鬟羣怪  
儼伺候思威在其顏我來日正中悚惕思先還寄立尺  
寸地敢言來途艱吁無吹毛刃血此牛蹄殷至今乘水  
早鼓舞寡與鰥林叢鎮冥冥窮年無由刪妍英雜豔實  
星瑣黃朱斑石級皆險滑顛躋莫牽攀龍宋刻區雖衆  
碎付與宿已頽棄去可奈何吾其死茅管

聽穎一作穎師彈琴

昵昵

一作昵

兒女語恩怨相爾汝劃然變軒昂勇士赴敵

場浮雲柳絮無根蒂天地濶遠隨飛揚喧啾百鳥羣忽  
見孤鳳皇躋攀分寸不可上失勢一落千丈強嗟余有  
兩耳未省聽絲篁自聞穎師彈起坐在一旁一作牀推手  
遽止之濕衣淚滂滂穎乎爾誠能無以冰炭置我腸

送陸暢歸江南

暢娶董溪女溪丞相晉第二子  
愈嘗為晉從事故云門下士

舉舉江南子

唐人以為舉止  
端麗為舉舉

名以能詩聞一來取高第官

佐東宮軍迎婦丞相府誇映秀士羣鸞鳴桂樹間觀者  
何續紛人事喜顛倒旦夕異所云蕭蕭青雲幹遂逐荆  
棘焚歲晚鴻雁過鄉思見新文踐此秦關雪家彼吳洲  
雲悲啼上車女骨肉不可分感慨都門別丈夫酒方醺  
我實門下士力薄蚋與蚊受恩不即報永負湘中墳

送進士劉師服東歸

猛虎落檻竄坐食如孤狔丈夫在富貴豈必守一門公  
心有勇氣公口有直言奈何任埋沒不自求騰軒僕本

亦進士頗嘗究根源由來骨鯁材喜被輒弱吞低頭受  
侮笑隱忍肆兀寃泥雨城東路夏槐作雲屯還家雖闕  
短指日親晨飧攜持令名歸自足貽家尊時節不可翫  
親交可攀援勉來取金紫勿久休中園

嘲魯連子

齊田巴辯於祖丘議於稷下一日而服千人有徐劫弟子曰魯連年十二

謂劫曰臣願當田子使不得復說魯連往見田巴巴於是杜口易業終身不談

魯連細而

一作兒

黠有似黃鸝子田巴兀老蒼憐汝矜爪

背開端要驚人雄跨吾厭矣高拱禪鴻聲若輟

一作一

杯水獨稱唐虞賢顧未知之耳

贈張籍

吾老著

一作嗜

讀書餘事不挂眼有兒雖甚憐教示不免

簡君來好呼出踉蹌越門限懼其無所知見則先媿赧  
昨因有緣事上馬插手版留君住廳食使立侍盤觥薄  
暮歸見君迎我笑而莞指渠相賀言此是萬金產吾愛  
其風骨粹美無可揀試將詩義授如以肉貫弗音產開祛  
露毫末自得高蹇嵯我身蹈丘軻爵位不早綰固宜長

有人文章紹編剗感荷君子德恍若乘朽棧召令吐所  
記解摘了瑟僂顧視窻壁間親戚競覘音響音喜氣排寒  
冬逼耳鳴眈眈如今更誰恨便可耕灞澆

調張籍

李杜文章在光燄萬丈長不知羣兒愚那用故謗傷虵  
蟬撼大樹可笑不自量伊我生其後舉頸遙相望夜夢  
多見之晝思反微茫徒觀斧鑿痕不矚治水航想當施  
手時巨刃磨一作天揚垠崖剗崩豁乾坤擺雷礮惟此

兩夫子家居率荒涼帝欲長吟哦故遣起且僵翦翎送  
籠中使看百鳥翔平生千萬篇金龜垂琳琅仙官敕六  
丁雷電下取將流落人間者太山一毫芒我願生兩翅  
捕逐出八荒精誠感交通百怪入我腸刺手拔鯨牙舉  
瓢酌天漿騰身跨汗漫不著織女襄顧語地上友經營  
無太忙乞君飛霞佩與我高頡頏

盧郎中雲夫寄示送盤谷子詩兩章歌以和之  
昔尋李愿向盤谷正見高崖巨壁爭開張是時新晴天

井溢

天井關名在太行山上水經曰天井溪出天井關北流注白水世謂之北流泉誰把長劍

倚太行衝風吹破落天外飛雨白日灑洛陽東蹈燕川

食曠野有饋木蕨芽滿筐馬頭溪

漢名深不可厲借車載

過水入箱平沙綠浪榜方口

地名雁鴨飛起穿垂楊窮探

極覽頗恣橫物外日月本不忙歸來辛苦欲誰為坐令

再往之計墮渺芒閉門長安三日雪推書撲筆歌慨慷

旁無壯士遺屬和遠憶盧老詩顛狂開緘忽覩送歸作

字向紙上皆軒昂又知李侯竟不顧方冬獨入崔嵬藏

我今進退幾時決十年蠢蠢隨朝行家請官供不報答

何

一作無

異雀鼠偷太倉行抽手版付丞相不待彈劾還

耕桑

寄皇甫湜

湜睦州新安人

敲門驚晝睡問報睦州吏手把一封書上有皇甫字圻

書放牀頭涕與淚垂四

一作泗

昏昏還就枕惘惘夢相值

悲哉無竒術安得生兩翅

病中贈張十八

中虛得暴下避冷卧北窻不蹋曉鼓朝安眠聽逢逢籍  
也處閭里抱能未施邦文章自娛戲金石日擊撞龍文  
百斛鼎筆力可獨扛談舌久不掉非君亮誰雙扶几導  
之言曲節初撻撻音窗半途喜開鑿派別失大江吾欲盈  
其氣不令見麾幢牛羊滿田野解旆束空杠傾尊與斟

酌四壁堆罌缸玄帷隔雪風照爐釘明缸夜闌縱裊音擺

闔哆口疏眉厖勢侔高陽翁坐約齊橫降音梳連日挾所

有形軀頓降音滂肱將歸乃徐謂子言得無哢音厖回軍與

角逐斫樹收窮龐雌聲吐款要酒壺綴羊腔君乃崑崙  
渠籍乃嶺頭瀧譬如蟻蛭微詎可陵崆峒幸願終賜之  
斬拔枿與椿從此識歸處東流水淙淙

雜詩

古史散左右詩書置後前豈殊蠹書一作書蠹蟲生死文字

間古道自愚蠢一作蠢一作蠢古言自包纏當今固殊古誰與

為欣歡獨攜無言子共升崑崙巔長風飄襟裾遂起飛

高圓下視禹九州一塵集毫端傲嬉未云幾下已億萬

年向者夸奪子萬墳厭其巔惜哉抱所見白黑未及分  
慷慨為悲咤淚如九河翻指摘相告語雖還今誰親翩  
然下大荒被髮騎騏驎

寄崔二十六立之

西城員外丞

元和初立之以前大理評事黜官再轉為藍田縣丞西城謂藍田也

心迹兩

屈竒往歲戰詞賦不將勢力隨下驢入省門左右驚紛

披傲兀坐試席深叢

一作巖

見孤罷文如翻水成初不用

意為四座各低面不敢捩眼窺升階揖侍郎

立之中元和四年進

士第知舉侍  
郎劉太真

歸舍日未歆佳句喧衆口考官敢瑕疵連

年收科第若摘頷底髭回首卿相位通途無他岐豈論  
校書郎袍笏光參差童穉見稱說祝身得如斯儕輩妬  
且熱喘如竹筒吹老婦願嫁女約不論財貲老翁不量  
分累月答其兒攪攪爭附託無人角雄雌由來人間事  
翻覆不可知安有巢中鷲音寇插翅飛天陸駒麝著爪牙  
猛虎借與皮汝頭有繩繫汝脚有索縻陷身泥溝間誰  
復稟指搗不脫吏部選可見偶與竒又作朝士貶得非

命所施客居京城中十日營一炊逼迫走巴蠻

一作思

愛座上離昨來漢水頭始得完孤羈

音行

挂新衣裳盡

棄食殘糜苟無飢寒苦那用分高卑憐我還好古官途

同險巖每旬遺我書竟歲無差池新篇奚其思風幡肆

逶迤又論諸毛功劈水看蛟螭雷電生

音閃

賜音釋角鬣

相撐披屬我感窮景抱華不能擣唱來和相報媿歎俾

我疵又寄百尺綵緋紅相盛衰巧能喻其誠深淺抽肝

脾開展放我側方餐涕垂匙朋交日凋謝存者逐利移

子寧獨迷誤綴綴意益彌舉頭庭樹豁狂飈卷寒曦迨  
遞山河隔何由應塤簾別來就十年君馬記駟驪長女  
當及事誰助出悅縞諸男皆秀朗幾能守家規文字銳  
氣在輝輝見旌麾摧腸與感容能復持酒卮我雖未耆  
老髮禿骨力羸所餘十九齒飄飄盡浮危玄花著兩眼  
視物隔褫褫唐本作視物劇隔褫燕席謝不詣游鞍懸莫騎敦敦  
凭書案譬彼烏黏犒丑知切且吾聞之師不以物自隳孤  
豚眠糞壤不慕太廟犧君看一時人幾輩先騰馳過半

黑頭死陰蟲食枯蝓

音疵  
殘骨

歡華不滿眼咎責塞兩儀觀

名計之利

一作實

詎足相陪裨仁者恥貪冒受祿量所宜

無能食國惠豈異哀癘罷久欲辭謝去休令衆睢睢

音隋

况又嬰疹疾寧保軀不貲不能前死罷內實慙神祇舊

籍在東郡茅屋枳棘籬還歸非無指灞渭揚春漸生兮

耕吾疆死也埋吾陂文書自傳道不仗史筆垂夫子固

吾黨新恩釋銜羈去來伊洛上相待安眠

音孤

算音卑我有

雙飲觥其銀得朱

音殊

音時

黃金塗物象雕鏤妙工倕乃

令千里鯨么麼微螽斯猶能爭明月擺掉出渺瀰野草  
花葉細不辨蒼莖菘絲絲相糾結狀似環城障四隅芙  
蓉樹擢豔皆猗猗鯨以興君身失所逢百罹月以喻夫  
道儂勉勵莫虧草木明覆載妍醜齊榮萎願君恒御之

行止雜燧觸異日期對舉當如合分支

通鑑元魏熙平元年立法在軍

有功者行臺給券當中監裂一支給勳人一支送門下以防偽巧今人亦謂析產符契為分支帳即此義也愈以雙箴之一贈崔故末句如此

月蝕詩效

閣本作刪

玉川子作

憲宗元和五年時為河南令

元和庚寅斗插子月十四日三更中森森萬木夜僵立

寒氣負

戲音備

頑無風月形如白盤完上天東忽然

有物來噉之不知是何蟲如何至神物遭此狼狽凶星

如撒沙出攢集爭強雄油燈不照夕是夕吐燄如長虹

玉川子涕泗下中庭獨行

獨下或有自字

念此日月者為天之

眼睛此猶不自保吾道何由行嘗聞古老言疑是蝦蟆

精徑圓千里納女腹何處養女百醜形杷

一作爬

沙脚手

鈍誰使女解緣青冥黃帝有四目帝舜重其明今天祇

兩目何故許食使偏盲堯呼大水浸十日不惜萬國赤  
子魚頭生女於此時若食日雖食八九無嚙名赤龍黑

鳥日下三足鳥也燒口熱翎鬣倒側相搪撐婪酣大肚遭一飽

飢腸徹死無由鳴後時食月罪當死天羅磕音匝何處

逃汝刑玉川子立於庭而言曰地行賤臣全再拜敢告

上天公臣有一寸刃可剗凶墓腸無梯可上天天階無

由有臣蹤寄牋東南風天門西北祈風通丁寧附耳莫

漏泄薄命正值飛廉慵東方青色龍牙角何呀呀從官

百餘座嚼啜煩官家月蝕汝不知安用為龍窟天河赤

烏司南方尾秃翅鰭

涉加切角上張也字亦作鰭

沙月蝕於汝頭汝

口開呀呀蝦蟇掠汝兩吻過忍學省事不以汝嘴啄蝦

蟇於菟蹲於西旗旄衛毳

音參 沙既從白帝祠又食於

蜡禮有加忍令月被惡物食枉於汝口插齒牙烏龜怯

姦怕寒縮頸以殼自遮終令夸娥

列子夸娥氏二子負二山蓋有神力者

扶汝出卜師燒錐鑽灼滿板如星羅此外内外官

天文志經

星常宿中外官百十瑣細不足科臣請悉埽除慎勿許

語令啾譁并光全耀歸我月盲眼鏡淨無纖瑕弊

一作斃

蛙拘送主府官帝箸下腹嘗其蟠依前使免操杵白玉  
階桂樹間婆娑姮娥還宮室太陽有室家天雖高耳屬  
地感臣赤心使臣知意雖無明言潛喻厥旨有氣有形  
皆吾赤子雖忿大傷忍殺孩穉還汝月明安行於次盡  
釋衆罪以蛙磔死

孟生詩

文粹作孟先生詩 孟郊下  
第送之謁徐州張建封也

孟生江海士古貌又古心嘗讀古人書謂言古猶今作

詩三百首宵默咸池音騎驢到京國欲和熏風琴豈識  
天子居九重鬱沉沉一門百夫守無籍不可尋晶光蕩  
相射旗戟翩以森遷延乍却走驚怪靡自任舉頭看白  
日泣涕下霑襟竭來遊公卿莫宵低華簷諒非軒冕族  
應對多差參萍蓬風波急桑榆日月侵奈何從進士此  
路轉嶇嶇音欽異質忌處羣孤芳難寄林誰憐松桂性競  
愛桃李陰朝悲辭樹葉夕感歸巢禽顧我多慷慨窮檐  
時見臨清宵靜相對髮白聆苦吟采蘭起幽念渺然望

東南秦吳脩且阻兩地無數金我論徐方牧好古天下  
欽竹實鳳所食德馨神所啟求觀衆丘小必上泰山岑  
求觀衆流細必泛滄溟深子其聽我言可以當所箴既  
獲則思返無為久滯淫卞和試三獻期子在秋砧

射訓狐

德宗時裴延齡韋渠牟等用事  
人爭出其門詩意有所諷也

有鳥夜飛名訓狐矜凶挾狡誇自呼

唐五行志休留一  
名訓狐或曰訓狐

其聲也因  
以名之

乘時陰黑止我屋聲勢慷慨非常麤安然大

喚誰畏忌造作百怪非無須聚鬼徵妖自朋扇擺掉拱

桷頽暨塗慈母抱兒怕入席那暇更護雞窠雖我念乾  
坤德泰大卵此惡物常勤劬縱之豈即遽有害斗柄行  
拄西南隅誰謂停奸計尤劇意欲唐突羲和烏侵更歷  
漏氣彌厲何由僥倖休須臾咨余徃射豈得已候女兩  
眼張睜盱臬驚墮梁蛇走竇一夫閣本作矢斬頸羣雖枯

將歸贈孟東野房蜀客

蜀客名  
次卿

君門不可入勢利

一作力

互相推借問讀書客胡為在京

師舉頭未能對閉眼聊自思倏忽十六年終朝苦寒飢

宦途竟寥落鬚髮坐差池潁水清且寂箕山坦而夷如  
今便當去咄咄無自疑

答孟郊

規模一作謀背時利文字覷天巧人皆餘酒肉子獨不得

飽纔春思已亂始秋悲又攪朝餐動及午夜諷恒至卯

名聲暫羶腥腸肚鎮煎炒音炒古心雖自鞭世路終難拗

弱拒喜張臂猛拏閒縮爪見倒誰肯扶從嗔我須齧

從仕

居閒食不足從仕力難任  
兩事皆害性一生恒苦心  
黃昏歸私室惆悵起歎音  
棄置人間世古來非獨今

短燈檠歌

長檠八尺空自長短檠二尺便  
且光黃簾綠幕朱戶閉  
風露氣入秋堂涼裁衣寄遠淚  
眼暗搔頭頻挑移近牀  
太學儒生東魯客二十辭家來  
射策夜書細字綴語言  
兩目眇音癡昏頭雪白此時提攜當案前  
看書到曉那能眠  
一朝富貴還自恣長檠高張照珠翠  
吁嗟世事無不

然牆角君看短檠棄

送劉師服

夏半陰氣始淅然雲景秋蟬聲入客耳驚起不可留  
草草具盤饌不待酒獻酬士生為名累有似魚中鉤  
齋材入市賣貴者恒難售豈不畏顛顛為功忌中休  
勉哉耘其業以待歲晚收

御定全唐詩卷三百四十

欽定四庫全書

御定全唐詩卷三百四十一

韓愈

符讀書城南

符愈之子城南愈別墅

木之就規矩在梓匠輪輿人之能為人由腹有詩書詩  
書勤乃有不勤腹空虛欲知學之力賢愚同一初由其  
不能學所入遂異問兩家各生子提孩巧相如少長聚  
嬉戲不殊同隊魚年至十二三頭角稍相疎二十漸乖

張清溝映汙渠三十骨骼

音格

成乃一龍一豬飛黃騰踏

去不能顧蟾蜍一為馬前卒鞭背生蟲蛆一為公與相

潭潭府中居問之何因爾學與不學歟金壁雖重寶費

用難貯儲學問藏之身身在則有餘君子與小人不繫

父母且不見公與相起身自犁鋤不見三公後寒飢出

無驢文章豈不貴經訓乃菑畬潢潦無根源朝滿夕已

除人不通古今馬牛而襟裾行身陷不義况望多名譽

時秋積雨霽新涼入郊墟燈火稍可親簡編可卷舒豈

不旦夕念為爾惜居諸恩義有相奪作詩勸躊躇

示爽

宣城去京國里數逾三千念汝欲別我解裝具盤筵日  
昏不能散起坐相引牽冬夜豈不長達旦燈燭然座中  
悉親故誰肯捨汝眠念汝將一身西來曾幾年名科一作

科揜衆俊州考居吏前今從府公召府公又時賢時輩

千百人孰不謂汝妍汝來江南近里閭故依然宣城在江之南

愈有別業在馬昔日同戲兒看汝立路邊人生但如此其實亦

可憐吾老世味薄因循致留連強顏班行內何實非罪  
愆才短難自力懼終莫洗湔臨分不汝誑有路即歸田

人日城南登高

初正候纔兆涉七氣已弄靄靄野浮陽暉暉水披凍聖  
朝身不廢佳節古所用親交既許來子姪同亦可從盤

蔬冬春雜尊酒清濁共令徵前事為觴詠新詩送扶杖

凌北址

或作址

刺船犯枯葑戀池羣鴨回釋嶠孤雲縱人

生本坦蕩誰使妄倥傯直指桃李闌幽尋寧止重

病鴟

屋東惡水溝有鴟隨鳴悲青泥揜一作淹兩翅拍拍不得

離羣童叫相召瓦礫爭先之計校生平事殺却理亦宜

奪攘不媿耻飽滿盤天嬉晴日占光景高風恣一作送追

隨遂一作擬凌鸞一作紫鳳羣宵顧鴻鵠一作鵠卑今者命運

一作運命窮遭逢巧丸兒中汝要害處汝能不得施於吾乃

何有不忍乘其危丐汝將死命浴以清水池朝餐輟魚  
肉瞑宿防狐狸自知無以致蒙德久猶疑飽入深竹叢

飢來傍階基亮無責報心固以聽所為昨日有氣力飛  
跳弄藩籬今晨忽徑去曾不報我知僥倖非汝福天衢  
汝休窺京城事彈射墜子不一作易欺勿諱泥坑辱泥  
坑乃良規

華山女

街東街西講佛經撞鐘吹螺鬧宮庭廣張罪福資一作

誘脅聽衆狎恰唐人語排浮萍黃衣道士亦講說座下寥

落如明星華山女兒家奉道欲驅異教歸仙靈洗粧拭

面著冠帔白咽紅頰長眉青遂來陞座演真訣觀門不  
許人開局不知誰人暗相報訇然振動如雷霆掃除衆  
寺人跡絕驂騑塞路連輜輶觀中人滿坐觀外後至無  
地無由聽抽簪一作釵脱釧解環佩堆金疊玉光青一作晶

熒天門貴人傳詔召六宮願識師顏形玉皇領首許歸  
去乘龍駕鶴來青冥豪家少年豈知道來遶百匝脚不  
停雲牕霧閣事恍惚重重翠幕深金屏僊梯難攀俗緣  
重浪憑青鳥通丁寧

讀皇甫湜公安園池詩書其後二首

晉人目二子其猶吹一呷

音血小聲莊子道堯舜於戴音人之前譬猶一呷也戴姓

晉人名梁之賢者

區區自其下顧宵挂牙舌春秋書王法不誅

其人身爾雅注蟲魚定非磊落人湜也困公安不自閑

一本有其閑二字

窮年枉智思掎摭糞壤

一本有閑字

污穢豈有臧

誠不如兩忘但以一槩量

我有一池水蒲葦生其間蟲魚沸相嚼日夜不得閒我初往觀之其後益不觀觀之亂我意不如不觀完用將

濟諸人捨得業孔顏百年詎幾時君子不可閑

一本連前詩合

首作一

路傍堠

以下四篇並元和十四年出為潮州作

堆堆

唐本作堆堆

路傍堆

音后

一雙復一雙迎我出秦關送我

入楚澤千以高山遮萬以遠

一作大

水隔吾君勤聽治照

與日月敵臣愚幸可哀臣罪庶可釋何當迎送歸綠路

高歷歷

食曲河驛

驛在商鄧間

晨及曲河驛悽然自傷情羣鳥

鳥一作

巢庭樹乳燕

雀一作

飛簷楹而我抱重罪子子萬里程親戚頓乖角

一作圖

史棄縱橫下負明

一作

義重上孤朝命榮殺身諒無補

何用

一作

答生成

### 過南陽

南陽郭門外桑下麥青青行子去未已春鳩鳴不停秦

商邈既遠湖海浩將經孰忍生以感

一作

吾其寄餘齡

### 瀧吏

南行逾六旬始下昌樂瀧

韶州樂昌有昌山有樂石瀧在縣上十里

險惡不

可狀船石相舂撞往問瀧頭吏潮州尚幾里行當何時  
到土風復何似瀧吏垂手笑官何問之愚譬官居京邑

一作譬如  
官居北

何由知東吳東吳遊宦鄉官知自有由潮州

底處所有罪乃竄流儂幸無負犯何由到而知官今行  
自到那遽妄問為不虞卒見困汗出媿且駭吏曰聊戲  
官儂嘗使往罷嶺南大抵同官去道苦遼下此三千里  
有州始名潮惡溪瘴毒聚雷電常洶洶鱷魚大於船牙

眼怖殺儂州南數十里有海水

一作水

無天地颶風有時作

掀簸真差鞞事聖人於天下於物無不容比聞此州囚

亦有生還儂官無嫌此州固罪人所徙

閩本作官嫌此州惡固人之所

徙

官當明時來事不待說委官不自謹慎宜即引分往

胡為此水邊神色久懍慌旣音同大餅鬻小所任自有宜

官何不自量滿溢以取斯工農雖小人事業各有守不

知官在朝有益國家不得無虱其間

商君以仁義禮樂為虱官曰六虱成

俗兵必大敗

不武亦不文仁義飭其躬巧姦敗羣倫叩頭謝

吏言始慚今更羞歷官二十餘國恩並未酬凡吏之所  
訶嗟實頗有之不即金木誅敢不識恩私潮州雖云遠  
雖惡不可過於身實已多敢不持自賀

贈別元十八協律六首

元十八集虛見白樂天  
集桂林伯桂管觀察使

裴行  
立也

知識久去

一作絕

眼吾行其既遠膏膏莫訾省

史記膠西  
王傳遂為

無訾省蘇林謂為無  
訾錄無所省錄也

默默但寢飯子兮何為者冠珮立

憲憲何氏之從學蘭蕙已滿畹於何翫其光以至歲向

晚治惟尚和同無俟於蹇蹇或師絕學賢不以藝自輓  
子兮獨如何能自媚婉婉金石出聲音宮室發闕楨何  
人識章甫而知駿蹄踠惜乎吾無居不得留息偃臨當  
背面時裁詩示繾綣

英英桂林伯實惟文武特遠勞從事賢

謂元  
協律

來弔逐臣

色南裔多山海道里屢紆直風波無程期所憂動不測  
子行誠艱難我去未窮極臨別且何言有淚不可拭

吾友柳子厚其人藝且賢吾未識子時已覽贈子篇寤

寐想風采於今已三年不意流竄路旬日

一作旬

同食眠

所聞昔已多所得今過前如何又須別使我抱悵悵

勢要情所重排斥則埃塵骨肉未免然又况四海人嶷  
嶷桂林伯矯矯義勇身生平未所識待我逾交親遺我  
數幅書繼以藥物珍藥物防瘴癘書勸養形神不知四  
罪地豈有再起晨窮途致感激肝膽還輪困

讀書患不多思義患不明患足已不學既學患不行子  
今四美具實大華亦榮王官不可闕未宜後諸生嗟我

擯南海無由助飛鳴

寄書龍城守君驥何時秣峽山逢颶風雷電助撞碎

昨没

切乘潮簸扶胥

地名在廣州

近岸指一髮兩巖雖云牽水

一作

木石牙飛發屯門

地名在廣州

雖云高亦映波浪沒余罪不

足惜子生未宜忽胡為不忍別感謝情至骨

### 初南食貽元十八協律

蠶

音后

實如惠文骨眼相負行

地里志蠶形如惠文冠嶺表錄異蠶眼在背雌負雄

而蠟相黏為山百十各自生

嶺表錄異蠟即牡蠣也初生海邊如拳石四面漸長

高一二丈者  
巉巖如山

蒲魚尾如蛇口眼不相營

蒲魚即魴魚  
縈一作縈

蛤

即是蝦蟆同實浪異名

本草注青蛙龜蛤長  
脚蠖子皆蝦蟆之類

章舉

有八  
脚身

上有肉如白  
亦曰章魚

馬甲柱

即江  
瑶柱

鬪以怪自呈其餘數十種莫

不可歎驚我來禦魑魅自宜味南烹調以鹹與酸芼以

椒與橙腥臊始發越咀吞面汗驛惟蛇舊所識實憚口

眼寧開籠聽其去鬱屈尚不平賣爾非我罪不屠豈非

情不祈靈珠報幸無嫌怨并聊歌以記之又以告同行

宿曾江口示姪孫湘二首

湘字北渚老成之子  
愈凡奔之孫此赴潮

州作也

雲昏水奔流天水滯相圍三江滅無口

曾江有三江合流今混為一不

見江其誰識涯圻暮宿投民村高處水半扉犬雞俱上

屋不復走與飛篙舟入其家暝聞屋中啼問知歲常然  
哀此為生微海風吹寒晴波揚衆星輝仰視北斗高不  
知路所歸

舟行忘故道屈曲高林間林間無所有奔流但潺潺嗟  
我亦拙謀致身落南蠻茫然失所詣無路何能還

荅柳柳州食蝦蟆

蝦蟆雖水居水特變形貌強號為蛙蛤於實無所校雖

然兩股長其奈脊皴

音 遂 炮

音 跳 躑

雖云高意

一作 竟

不離

寧淖鳴聲相呼和無理只取鬧周公所不堪灑灰垂典

教我棄愁海濱恒願眠不覺

音 教

巨堪朋類多沸耳作驚

爆端能敗笙磬仍工亂學校雖蒙白踐禮竟不聞報效

大戰元鼎年

漢武元鼎五年 秋龜蝦蟆鬪

孰強孰敗撓居然當鼎味

豈不辱釣罩余初不下喉近亦能稍稍常懼染蠻夷失

平生好樂而君復何為甘食比豢豹獵較務同俗全身  
斯為孝哀哉思慮深未見許回權

別趙子

趙子名德潮州人愈刺潮德攝海陽尉  
督州學生徒愈移袁州欲與俱不可詩

以別  
之

我遷於揭陽

揭陽漢縣屬南陽  
郡至唐為潮州

先君揭陽居揭陽去京

華其里萬有餘不謂小郭中有子可與娛心平而行高

兩通詩與書婆娑海水南簸弄明月珠及我遷宜春

袁州

意欲攜以俱擺頭笑且言我豈不足歟又奚為於北

一作

此往來以紛如海中諸山中幽子

隱士也

頗不無相期風

濤觀已久不可渝又嘗疑龍蝦果誰雄牙鬚蚌羸魚鼈  
蟲瞿瞿以狙狙識一已忘十大同細自殊欲一窮究之  
時歲屢謝除今子南且北豈非亦有圖人心未嘗同不  
可一理區各宜從所務未用相賢愚

除官赴闕至江州寄鄂岳李大夫

李程也元和十五年自袁

州詔拜國子祭  
酒行次盆城作

盆城去鄂渚風便一日耳不枉故人書無因帆去聲江水

故人辭禮闈旌節鎮江圻而我竄逐者龍鍾初得歸別  
來已三歲望望長迢遞咫尺不相聞平生那可計我齒  
落且盡君鬢一作鬚白幾何年皆過半百來日苦無多少

年樂新知衰暮思故友譬如親骨肉寧免相可不我昔  
實愚蠢不能降色辭子犯亦有言臣猶自知之公其務

貫

音世

過我亦請改事桑榆儻可收願寄相思字

南山有高樹行贈李宗閔

鳳凰謂裴度何山鳥謂李宗閔挾九子及黃

鵲謂李德裕李紳元稹也初度伐蔡引宗閔為彭儀觀察判官蔡平進知制誥長慶初錢徽典

貢舉宗閔托所親於徽德裕及紳衿共發其事  
宗閔坐貶劍州刺史俄復為中書舍人由是嫌  
怨顯結搢紳之禍四十餘年不解此贈詩宗閔  
初貶時作也後篇猛虎行宗閔復入後作也

南山有高樹花葉何衰衰

考張衡南都賦當作叢叢

上有鳳皇巢鳳

皇乳且棲四旁多長枝羣鳥所托依黃鵠據其高衆鳥

接一作棲

其卑不知何山鳥羽毛有光輝飛飛擇所處正

得衆所希上承鳳皇恩自期永不衰中與黃鵠羣不自  
隱其私下視衆鳥羣汝徒竟何為不知挾九子心默有  
所規彈汝枝葉間汝翅不覺摧或言由黃鵠黃鵠豈有

之慎勿猜衆鳥衆鳥不足猜

一作疑

無人語鳳皇汝屈安

得知黃鵠得汝去婆娑弄毛衣前汝下視鳥各議汝瑕

疵汝豈無朋匹有口莫肯開汝落蒿艾間幾時復能飛

哀哀故山友中夜思汝悲路遠翅短不得

一作能

持汝

歸

猛虎行

諸本有贈  
李宗閔字

猛虎雖云惡亦各有匹儕羣行深谷間百獸望風低身

食黃熊父子食赤豹麋擇肉於熊豹肯視兔與狸正晝

當谷眠眼有百步威自矜無當對氣性縱以乖朝怒殺

其子暮還食

一作殮

其妃匹儕四散走猛虎還孤棲狐鳴

門兩旁烏鵲從噪之出逐猴

一作猴

入居虎不知所歸誰

云猛虎惡中路正悲啼豹來銜其尾熊來攫其頤猛虎

死不辭但慚前所為虎坐

一作兕

無助死况如汝細微故

當結以信親當結以私親故且不保人誰信汝為

御定全唐詩卷三十四十一

欽定四庫全書

御定全唐詩卷三百四十二

韓愈

雪後寄崔二十六丞公

斯立

藍田十月雪塞關我興南望愁羣山攢天嵬嵬

一作崔嵬凍

相映君乃寄命於其間秩卑俸薄食口衆豈有酒食開  
容顏殿前羣公賜食罷驛蹢躅路驕且閑稱多量少鑿  
裁密豈念幽桂遺榛菅幾欲犯嚴出薦口氣象碑兀未

可攀歸來殞涕揜關卧心之紛亂誰能刪詩翁憔悴斷

荒棘

謂孟郊

清玉刻佩璣環腦脂遮眼卧壯士

謂張籍病眼

大弔挂壁無由彎乾坤惠施萬物遂獨於數子懷偏慳

朝欵暮借不可解我心安得如石頑

送僧澄觀

李邕泗州普光王寺碑僧伽者龍朔中西來嘗縱觀臨淮發念置寺既成

中宗賜名普光王寺以景龍四年三月二日示滅於京後澄觀建僧伽塔於泗州

浮屠西來何施為擾擾四海爭奔馳構樓架閣切星漢  
誇雄鬪麗止者誰僧伽後出淮泗上勢到衆佛尤恢奇

越商胡賈脫身罪珪璧滿船寧計資清淮無波平如席  
欄柱傾扶半天赤火燒水轉掃地空突兀便高三百尺  
影沈潭底龍驚遁當晝無雲跨虛碧借問經營本何人  
道人澄觀名籍籍愈昔從軍大梁下往來滿屋賢豪者  
皆言澄觀雖僧徒公才吏用當今無後從徐州辟書至  
紛紛過客何由記人言澄觀乃詩人一座競吟詩句新  
向風長歎不可見我欲收歛加冠巾洛陽窮秋厭窮獨  
丁丁啄門疑啄木有僧來訪呼使前伏犀挿腦高頰權

惜哉已老無所及坐睨神骨空潜然臨淮太守初到郡  
遠遣州民送音問好奇賞俊直難逢去去為致思從容  
山南鄭相公樊員外酬答為詩其末咸有見及

語樊封以示愈依賦十四韻以獻

鄭餘慶樊宗師也餘慶元

和九年為山南西道節度使宗師為副

梁維西南屏山厲水刻屈粟生肖勦剛

勦音巢輕捷也

難諧在

民物榮公

餘慶封榮陽郡公

鼎軸老烹幹

烹謂烹擊幹謂幹旋猶宰割也

力健

偃帝咨女子往牙纛前盆拂

盆蒲悶切拂音佛或作拂拂埽塵起貌

威風

挾惠氣蓋壤兩劑拂茫漫華黑間指畫變悅歛誠既富

而美章彙霍炳蔚日延講大訓龜判錯袞黻

公羊傳寶者何璋判

白龜青純何休注判半也半珪曰璋龜判言其所執袞黻言其所服

樊子坐賓署演孔刮

老佛金春撼玉應厥臭劇蕙鬱遺我一言重跽受惕齋

慄辭慳義卓濶呀豁疚掎掘

呀豁隙窠也疚勞也因其隙窠力加掎掘掎掘者討

究也如新去聃聃雷霆逼颼颼

於聃切聃聃耳垢也如新去耳垢却聞雷霆颼颼也

綴此豈為訓俚言紹莊屈

奉和武相公鎮蜀時詠使宅韋太尉所養孔雀

武元衡  
韋皋也

穆穆鸞鳳友何年來止茲飄零失故態隔絕抱長思翠  
角高獨聳金華煥相差坐蒙恩顧重畢命守堦墀

感春三首

偶坐藤樹下暮春下旬間藤陰已可庇落葉還漫漫  
疊新葉大瓏瓏晚花乾青天高寥寥兩蝶飛翻翻  
一作翩翩  
時節適當爾懷悲自無端

黃黃蕪菁花桃李事已退狂風簸枯榆狼籍九衢內春

序一如此汝顏安足賴誰能駕飛車相從觀海外  
晨遊百花林朱朱兼白白柳枝弱而細懸樹垂百尺左  
右同來人金紫貴顯劇嬌童為我歌哀響跨箏笛艷姬  
蹋筵舞清眸刺劍戟心懷平生友莫一在燕席死者長  
渺茫生者困乖隔少年真可喜老大百無益

早赴街西行香贈盧李二中舍人

盧汀李逢吉也

天街東西異祇命遂成遊月明御溝曉蟬吟堤樹秋老  
僧情不薄僻寺境還幽寂寥二三子歸騎得相收

晚寄張十八助教周郎博士

張籍周況也  
況愈之從塔

日薄

一作落

風景曠出歸偃前簷晴雲如擘絮新月似磨鎌

田野興偶動衣冠情久厭吾生可攜手歎息歲將淹

題張十八所居

籍

君居泥溝上溝濁萍青青蛙謹橋未掃蟬鳴門長扃名  
秩後千品詩文齊六經端來問竒字為我講聲形

奉酬盧給事雲夫四兄曲江荷花行見寄并呈

上錢七兄

徽

閣老張十八助教

曲江千頃秋波淨平鋪紅雲蓋明鏡大明宮中給事歸

走馬來看立不正遺我明珠九十六寒光映骨睡驪目

我今官閒得婆婆

時自中書舍人降太子右庶子

問言何處芙蓉多撐

舟昆明度雲錦脚敲兩舷叫吳歌太白山高三百里負  
雪崔嵬插花裏玉山前却不復來曲江汀滢水平盃我  
時相思不覺一回首天門九扇相當開上界真人足官  
府豈如散仙鞭笞鸞鳳終日相追陪

奉和錢七兄

徽

曹長益池所植

翻翻江浦荷而今生在此摧摧菰葉長芳根復誰徙露  
涵兩鮮翠風蕩相磨倚但取主人知誰言益益是

記夢

夜夢神官與我言羅縷道妙角與根挈攜陬維口瀾翻  
百二十刻須臾間我聽其言未云足捨我先度橫山腹  
我徒三人共追之一人前度安不危我亦平行跼彘 丘

切 彘

牛名

神完骨蹠脚不掉側身上視溪谷盲杖撞玉

版聲彭觥神官見我開顏笑前對一人壯非少石壇坡

陀可坐卧我手承頰

孩音

肘挂座隆樓傑閣磊嵬高天風

飄飄吹我過壯非少者哦七言六字常語一字難我以  
指撮白玉丹行且咀噍行詰盤口前截斷第二句綽虐  
顧我顏不歡乃知仙人未賢聖護短憑愚邀我敬我能  
屈曲自世間安能從汝巢神山

南內朝賀歸呈同官

唐長安有三內皇城在西  
北隅謂之西內東內曰大

明宮在西內之東南內  
曰興慶宮在東內之南

薄雲蔽秋曦秋雨不成泥罷賀南內衙歸涼曉淒淒綠

槐十二街

中朝事跡云天街兩  
昨樹槐俗號為槐街

渙散馳輪蹄余惟慙書

生孤身無所齎三黜竟不去致官九列齊豈惟一身榮

佩玉冠簪犀滉蕩天門高著籍朝厭妻文才不如人行

又無町畦問之朝廷事畧不知東西況於經籍深豈究

端與倪君恩太山重不見酬稗穉所職事無多又不自

提撕明庭集孔鸞曷取於鳧鸞樹以松與栢不宜間蒿

藜婉孌自媚好幾時不見擠貪食以忘軀音不調鹽

醢法吏多少年磨淬出角圭將舉汝愆尤以為已階梯

收身歸闕東期不到死迷

朝歸

峩峩進賢冠耿耿水蒼佩  
服章豈不好不與德相對  
顧影聽其聲頰顏汗漸背  
進乏犬雞效又不勇自退  
坐食取其肥無堪等聾聵  
長風吹天墟秋日萬里曠  
抵暮但昏眠不成歌慷慨

雜詩四首

朝蠅不須驅暮蚊不可拍  
蠅蚊滿八區可盡與相格  
得

時能幾時與汝恣啖咋涼風九月到掃不見蹤跡

鵲鳴聲楂楂烏噪聲攫攫爭鬪庭宇間持身博彈射黃  
鵠能忍飢兩翅久不擘蒼蒼雲海路歲晚將無獲

截榛為樽榼斲楹以為椽束蒿以代之小大不相權雖  
無風雨災得不覆且顛解轡棄騏驥褰驢鞭使前寬畚  
高萬里歲盡道苦遭停車卧輪下絕意於神僊

雀鳴朝營食鳩鳴暮覓羣獨有知時鶴雖鳴不緣身暗  
蟬終不鳴有抱不列陳蛙黽鳴無謂閣閣祇亂人

讀東方朔雜事

漢武帝內傳帝好長生七夕西王母降其宮索桃七枚以四枚

與帝自食三枚曰此桃三千年一實時東方朔從殿東廂朱鳥牖中窺母母謂帝曰此窺牖兒嘗三來偷吾桃昔為太山上仙官今到方丈擲弄雷電激波揚風風雨失時陰陽錯迕致令蛟鯨陸行海水暴竭黃鳥宿淵于是九潦大人乃言於太上遂謫人問其後朔一旦乘龍飛去不知所在

巖巖

古巖巖通

王母宮下維萬仙家噫欠為飄風

聚氣為噫張口為欠

濯手大雨沲方朔乃豎子驕不加禁訶偷入雷電室鞠

音犇

較稜音

掉狂車王母聞以笑衛官助呀呀不知萬萬人

生身埋泥沙簸頓五山踣音匍流漂八維蹉曰吾兒可憎

奈此狡獪何方朔聞不喜褫身絡蛟蛇瞻相北斗柄兩

手自相接音儼羣仙急乃言百犯庸不科向觀睥睨處事

在不可赦音奢欲不布露言外口實誼譁王母不得已顏

頰口齟嗟頷頭可其奏送以紫玉珂方朔不懲創挾恩

更矜誇詆欺劉天子正晝溺殿衙一旦不辭訣攝身凌

蒼霞

譴瘡鬼

屑屑水帝魂謝謝無餘輝如何不肖子尚奮瘡鬼威乘  
秋作寒熱翁姬所罵譏求食歐泄間不知臭穢非醫師  
如百毒熏灌無停機灸師施艾炷酷若獵火圍詛師毒  
口牙舌作霹靂飛符師弄刀筆丹墨交橫揮咨汝之胄  
出門戶何巍巍祖軒而父頊未沫於前徽不修其操行  
賤薄似汝稀豈不忝厥祖醜然不知歸湛湛江水清歸  
居安汝妃清波為裳衣白石為門畿呼吸明月光手掉  
芙蓉旂降集隨九歌飲芳而食菲贈汝以好詞吐汝去

莫違

示兒

始我來京師止攜一束書辛勤三十年以有此屋廬此  
屋豈為華於我自自餘中堂高且新四時登牢蔬前榮

屋檐為榮前榮即南榮也

饌賓親冠婚之所於庭內無所有高樹八

九株有藤婁絡之

婁音縷莊子有卷婁者註卷婁猶拘學也

春華夏陰敷東

堂坐見山雲風相吹噓松果連南亭外有瓜芋區西偏  
屋不多槐榆翳空虛山鳥旦夕鳴有類澗谷居主婦治

北堂膳服適戚疎恩封高平君子孫從朝裾一作車開門  
問誰來無非卿大夫不知官高卑玉帶懸金魚問客之  
所為峩冠講唐虞酒食罷無為棊檟以相娛凡此座中  
人十九持釣樞又問誰與頻莫與張樊如來過亦無事  
考評道精麤躑躑媚學子牆屏日有徒以能問不能其  
蔽豈可祛嗟我不修飾事與庸人俱安能坐如此比肩  
於朝儒詩以示兒曹其無迷厥初

庭楸

庭楸止五株共生十步間各有藤繞之上各相鈎聯下  
葉各垂地樹顛各雲連朝日出其東我常坐西偏夕日  
在其西我常坐東邊當晝日在上我在中央間仰視何  
青青上不見纖穿朝暮無日時我且八九旋濯濯晨露  
香明珠何聯聯夜月來照之萋萋自生煙我已自頑鈍  
一作滯重遭五楸牽客來尚不見肯到權門前權門衆所  
趨有客動百千九牛亡一毛未在多少間往既無可顧  
不往自可憐

翫月喜張十八員外以王六秘書至

王六王  
建也

前夕雖十五月長未滿規君來

一作未

晤我時風露渺無

涯浮雲散白石天宇開青池孤質不自憚中天為君施  
翫翫夜遂久亭亭曙將披況當今夕圓又以嘉客隨惜  
無酒食樂但用歌嘲為

和李相公攝事南郊覽物興懷呈一二知舊

李相

公逢  
吉也

燦燦辰角曙亭亭寒露朝川原共澄映雲日還浮飄上

宰巖祀事清途振華鑣園丘峻且坦前對南山標村樹  
黃復綠中田稼何饒顧瞻想巖谷興歎倦塵囂惟彼顛  
瞑者去公豈不遼為仁朝自治用靜兵以銷勿憚吐捉  
捉一作握字本史記今人  
用吐握本韓詩外傳也勤可歌風雨調聖賢相遇少  
功德今宣昭

和裴僕射相公假山十一韻

公乎真愛山看山旦連夕猶嬖山在眼不得着脚厯枉  
語山中人句我澗側石有來應公須歸必載金帛當軒

乍駢羅隨勢忽開坼有洞若神剜有巖類天劃終朝巖  
洞間歌鼓燕賓戚孰謂衡霍期一作奇近在王侯宅傅氏  
築已卑磻溪釣何激逍遙功德下不與事相摭樂我盛  
明朝於馬傲今昔

與張十八同效阮步兵一日復一夕

一日復一日一朝復一朝祇見有不如不見有所趨食  
作前日味事作前日調不知久不死憫憫尚誰要富貴  
自繫拘貧賤亦煎焦俯仰未得所一世已解鑣譬如籠

中鶴六翮無所搖譬如兔得蹄安用東西跳還看古人  
書復舉前人瓢未知所究竟且作新詩謠

送諸葛覺往隨州讀書

李繁時為隨州刺史宰相泌之子也

鄴侯家多書插架三萬軸一一懸牙籤新若手未觸為  
人強記覽過眼不再讀偉哉羣聖文磊落載其腹行年  
五十餘一作餘出守數已六京邑有舊廬不容久食宿  
臺閣多官員無地寄一足我雖官在朝氣勢日局縮屢  
為丞相言雖懇不見錄送行過澹一作淮水東望不轉目

今子從之遊學問得所欲入海觀龍魚矯翮逐黃鵠勉  
為新詩章月寄三四幅

南溪始泛三首

此詩乃長慶間以  
病在告日所作

榜舟南山下

一作  
溪上

上上不得返幽事隨去多

一作幽尋  
事隨去

孰能量近遠陰沈過連樹藏昂抵橫坂石麤肆磨礪波  
惡厭牽挽或倚偏岸漁竟就平洲飯點點暮雨飄稍稍  
新月偃餘年慄無幾休日愴已晚自是病使然非由取

高蹇

一作  
蹇

南溪亦清駛而無楫與舟山農驚見之隨我觀不休不  
惟兒童輩或有杖白頭饋我籠一作籬中瓜勸我此淹留  
我云以病歸此已頗自由幸有用餘俸置居在西疇困  
倉米穀滿未有旦夕憂上去無得得下來亦悠悠但恐  
煩里閭時有緩急投願為同社人雞豚燕春秋

足弱不能步自宜收朝蹟羸形可輿致佳觀安事擲即  
此南坂下久聞有水石控舟入其間溪流正清激隨波  
吾未能峻瀨乍可刺鷺起若導吾前飛數十尺亭亭柳

帶沙團團松冠壁歸時還盡夜誰謂非事後



御定全唐詩卷三十四十二

欽定四庫全書

集部

御定全唐詩卷三百四十五

三五

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官典簿臣劉景岳

謄錄監生臣龔輝遠

覺燈生暈宵殘雨送涼如何連曉語一半是思鄉

或作  
祗是

說家  
解

又魚招張功曹署

又魚春岍濶此興在中宵大炬然如晝長船縛似橋深  
窺沙可數靜榜水無搖刀

一作  
手

下那能脫波間或自跳

中鱗憐錦碎當日訝珠銷迷火逃翻近驚人去暫遙競  
多心轉細得雋語時囂潭聲知存寡舫平覺獲饒交頭  
疑湊餌駢首類同條濡沫情雖密登門事已遼盈車欺

欽定四庫全書

御定全唐詩卷三百四十三

韓愈

題楚昭王廟

襄州宜城縣驛東北有井傳是昭王井東北數十步有昭王廟

丘墳

一作園

滿日衣冠盡城闕連雲草樹荒猶有國人懷

舊德一間茅屋祭昭王

宿龍宮灘

浩浩復湯湯灘聲抑更揚奔流疑激電驚浪似浮霜夢

故事飼犬驗今朝血浪凝猶沸腥風遠更飄蓋江烟幕  
幕拂棹影寥寥去愁無食龍移懼見燒如棠名既誤  
釣渭日徒消文客驚先賦篙工喜盡謠贈成思我友觀  
樂憶吾僚自可捐憂累何須強問鴉

李員外寄紙筆

李伯康也  
柳州刺史

題是臨池後分從起草餘兔尖針莫竝繭淨雪難如莫  
怪殷勤謝虞卿正著書

次同

一作弄  
又作巫

冠峽

赴陽  
山作

今日是何朝天晴物色饒落英千尺墮遊絲百大飄泄  
乳交巖脉懸流揭浪標無心思嶺北猿鳥莫相撩

答張十一功曹

山淨江空水見沙哀猿啼處兩三家篋管競長纖纖笋  
躑躅閒閒豔豔花未報恩波知死所莫令炎瘴送生涯  
吟君詩罷看雙鬢斗覺霜毛一半加

郴州祈雨

乞雨女郎魂忽羞潔且繁廟開鼯鼠叫神降越巫言旱

氣期銷蕩陰官想駿奔行看五馬入蕭颯已隨軒

湘中酬張十一功曹

休垂絕徼千行淚共泛清湘一葉舟今日嶺猿兼越鳥  
可憐同聽不知愁

柳口又贈二首

山作劍攢江寫鏡扁舟斗轉疾於飛回頭笑向張公子  
終日思歸此日歸

雪颯霜翻看不分雷驚電激語難聞沿涯一作宛轉到

一作  
入 深處何限青天無片雲

題木居士二首

耒陽縣北沿沅二三十里鰲口寺退之所題木居士在馬元豐

初以禱早不應為邑令析而薪之

火透波穿不計春  
根如頭面幹如身  
偶然題作木居士  
便有無窮求福人

為神詎比溝中斷  
遇賞還同燹下餘  
朽蠹不勝刀鋸力  
匠人雖巧欲何如

晚泊江口

郡城朝解纜，江岫暮依村。  
二女竹上淚，孤臣水底魂。  
雙歸蟄燕一，一叫羣猿。  
回首那聞一作能語，空看別袖翻。

湘中

猿愁魚踊

一作躍

水翻波自古，流傳是汨羅。  
蘋藻滿盤無

處，莫空聞漁父扣舷歌。

別盈上人

山僧愛山出無期，俗士牽俗來何時。  
祝融峯下一回首，即是此生長別離。

喜雪獻裴尚書

裴均也時為荆南節度使檢校吏部尚書愈為法曹叅軍

宿雲寒不卷春雪墮如篋

一作節

騁巧先投隙潛光半

一作

亂入池喜深將策試驚密仰簷窺自下何曾汗增高未

覺

一作見

危比心明可燭拂面愛還吹妬舞時飄袖欺梅

併壓枝地空迷界限砌滿接高卑浩蕩乾坤合霏微物

象移為

一作驗

祥矜大熟布澤荷平施已分年華晚猶憐

曙色隨氣嚴當酒換

一作煖

灑急聽窗知照曜臨初日玲

瓏滴晚漸聚庭看嶽聳掃路

一作地

見雲披陣勢魚麗遠

書文鳥篆奇縱歡羅艷點列賀擁熊螭履敝行偏冷門  
扃卧更羸悲嘶聞病馬浪走信嬌兒竈靜愁煙絕一作滅  
絲絲念鬢衰擬鹽吟舊句投簡幕前規捧贈同燕石多  
慚失所宜

春雪

看雪乘清旦無人坐獨謠拂花輕尚起落地暖初銷已  
訝陵歌扇還來伴舞腰灑篁留密節一作半著柳送長條  
入鏡鸞窺沼行天馬度橋徧惜憐可掬滿樹戲成搖江

浪迎濤日風毛縱獵朝弄閒時細轉爭急忽驚飄城陰  
疑懸布砧寒未擣綃莫愁陰景促夜色一作月自相饒

聞梨花發贈劉師命

桃溪惆悵不能過紅豔紛紛落地多聞道郭西千樹雪  
欲將君去醉如何

春雪間一作映早梅

梅將雪共春彩艷不相因逐吹去聲能爭密排枝巧妬新  
誰令香滿座獨使淨無塵芳意饒呈瑞寒光助照人瓊

瓏開已徧點綴坐來頻那是俱疑似須知兩逼真熒煌  
初亂眼浩蕩忽迷神未許瓊華比從將玉樹親先期迎  
獻歲更伴占茲晨願得長輝映輕微敢自珍

早春雪中聞鶯

朝鶯雪裏新雪樹眼前春帶澁先迎氣侵寒已報人共  
矜初聽早誰貴後聞頻暫嘖那成曲孤鳴豈及辰風霜  
徒自保桃李詎相親寄謝幽棲友辛勤不為身

梨花下贈劉師命

洛陽城外清明節百花寥落梨花發今日相逢瘴海頭  
共驚爛漫開正月

和歸工部送僧約

工部歸登也  
約荊州人

早知皆是自拘囚不學因循到白頭汝既出家還擾擾  
何人更得一作向死前休

入關詠馬

歲老豈能充上駟力微當自慎前程不知何故翻驥首  
牽過關門妄一鳴

木芙蓉

新開寒露叢遠比水間紅艷色寧相妬嘉名偶自同採

江官渡

一作秋節

晚寒木古祠空願得

一作須

勤來看無令便

逐風

題張十一旅舍三詠

榴花

五月榴花照眼明枝間時見子初成可憐此地無車馬  
顛倒青苔落絳英

井

賈誼宅中今始見  
葛洪山下昔曾窺  
寒泉百尺空看影

正是行人渴

一作  
暍

死時

蒲萄

新莖未徧半猶枯  
高架支離倒復扶  
若欲滿盤堆馬乳

蜀本草蒲萄  
有似馬乳者

莫辭添竹引龍鬚

峽石西泉

一作  
寒泉

居然鱗介不能容  
石眼環環水一鍾  
聞說旱時求得雨

祇疑科斗是蛟龍

梁國惠康公主挽歌二首

公主憲宗長女下嫁于頔之子季友元和

中薨詔令百官進詩

定謚芳聲遠移封大國新  
吳宮尊長女台室屬良人  
河漢重泉夜梧桐半樹春  
龍輓音而非厭於涉還輓禁城塵

秦地吹簫女湘波鼓瑟妃  
佩蘭初應夢奔月竟淪輝  
夫族迎魂去宮官會葬歸  
從今沁園草無復更芳菲

和崔舍人詠月二十韻

舍人崔羣也愈元和七年以職方員外郎下遷

國子博士此詩是其年八月所作

三秋端正月今夜出東溟對此猶分勢騰天漸吐靈未  
高蒸遠氣半上霽孤形赫奕當躔次虛徐度杳冥長河  
晴散霧列宿曙分螢浩蕩英華溢蕭疎物象冷池邊臨  
倒照簷際送橫經花樹參差見臯禽斷續聆牖光窺寂  
寞砧影伴娉婷幽坐看侵戶閒吟愛滿庭輝斜通壁練  
彩碎射沙星清潔雲間路空涼水上亭淨堪分顧兔細

得數飄萍山翠相凝綠林煙共暮青過隅驚桂側當午  
覺輪停屬音燭思攜霞錦追歡聲縹緲郡樓何處望隴笛  
此時聽右掖連台座重門限禁扃風臺觀滉漾冰砌步  
青瑩獨有虞庠客無由拾落糝

詠雪贈張籍

只見縱橫落寧知遠近來飄飆還自弄歷亂竟誰催  
暖銷那怪池清失可猜坳中初蓋底垤處遂成堆慢一作  
漫有先居後輕多去却回度前鋪瓦隴一作壠發本一作  
奔發

積牆隈穿細時雙透乘危忽半摧舞深逢坎井集早值

層臺砧練終宜擣階紉未暇裁城寒裝一作妝睥睨樹凍

裏莓苔片片勻如剪紛紛碎若按切奴定非燭鷓鴣驚真

是屑瓊瑰緯音畫觀忽音朝萼冥茫矚晚一作晚埃當窗恒

凜凜出戶即皚皚音壓野榮芝菌傾都委貨財娥

嬉華蕩瀆胥怒浪崔嵬磧迴疑一作宜浮地雲平想輶雷

隨車翻縞帶逐馬散銀栝萬屋漫汗平聲合千株照曜開

松篁遭挫抑一作折愈時蓋以柳澗事糞壤獲饒培隔

下遷此寄意於時倅也

絕門庭遽

邃一作

擠排陸

階一作

級纔豈堪禪嶽鎮強欲效

鹽梅隱匿瑕疵盡包羅委瑣該誤雞宵哢喔驚雀暗裴

回浩浩過三暮悠悠匝九垓鯨鯢陸死骨玉石火炎灰

厚慮填溟壑高愁擻

致音

斗魁日輪埋欲側坤軸壓將頽

岍類

堰一作似

長蛇攪

擾一作

陵猶巨象虺水官夸傑黠木氣

怯胚胎著地無由卷連天不易推龍魚冷蟄苦虎豹餓

號哀巧借奢華

豪一作

便專繩困約災威貪陵

凌一作

布被

光肯離金壘賞翫捐他事歌謠放我才狂教詩碑硯興

與酒陪鯁惟子能

誰一作

諳耳諸人得語哉助留風作黨

勸坐火為媒雕刻文刀利搜求智網恢莫煩相屬和傳

示及提孩

酬王二十舍人

涯

雪中見寄

三日柴門擁不開階平

一作庭

一作平

滿白皚皚今朝躡

作瓊瑤跡為有詩從

一作仙

鳳沼來

送侯喜

已作龍鍾後時者懶於街裏躡塵埃如今便別長官去

喜為國子主簿愈  
為博士故云長官  
直到新年衙日來

學諸進士作精衛銜石填海

鳥有償冤者終年抱寸誠  
口銜山石細心望海波平  
渺渺功難見區區命已輕  
人皆譏造次我獨賞專精  
豈計休無日惟應盡此生  
何慙刺客傳不著報讎名

奉酬振武胡十二大夫

胡証河東人元和九年  
黨項寇邊以証有

安邊才畧乃授  
振武軍節度使

傾朝共羨寵光頻  
半歲遷騰作虎臣  
戎旆暫停辭社樹

里門先下敬鄉人橫飛玉蓋家山曉遠蹠金珂塞草春  
自笑平生誇膽氣不離文字鬢毛新

奉和庫部盧四兄曹長元日朝回

盧汀也

天仗宵嚴建羽旄春雲送色曉雞號金爐香動螭頭暗  
玉佩聲來雉尾高戎服上趨承北極儒冠列侍映東曹  
太平時節難身一作身難遇郎署何須歎二毛

寒食直歸遇雨

寒食時看度春遊事已違風光連日直陰雨半朝歸不

見紅毬

蹴鞠黃帝所造鞠與毬同紅毬以紅帛為之

上那論綵索

北方寒食日用鞦韆

為戲綵索即謂鞦韆

飛惟將新賜火向曙著朝衣

送李六協律歸荆南

朝

早日羈遊所春風送客歸柳花還漠漠江燕正飛飛  
歌舞知誰在賓僚逐使非  
宋亭池水綠莫忘蹋芳菲

題百葉桃花

知制誥時作

百葉雙桃晚更紅  
窺窗映竹見玲瓏  
應知侍史歸天上  
故伴僊郎宿禁中

春雪

新年都未有芳華  
二月初驚見草芽  
白雪却嫌春色晚  
故穿庭樹作飛花

戲題牡丹

幸自同開俱隱約  
何須相倚鬪輕盈  
陵一作凌晨併作新

妝面對客偏含不  
語情雙燕無機還  
拂掠一作畧遊

蜂多思正經營  
長年是事皆拋盡  
今日欄邊暫眼

明

盆池五首

老翁真個似童兒汲水

井一作

埋盆作小池一夜青蛙鳴

到曉恰如方口釣魚時

莫道盆池作不成藕梢初種已齊生從今有雨君須記  
來聽蕭蕭打葉聲

瓦沼晨朝水自清小蟲無數不知名忽然分散無蹤影  
惟有魚兒作隊行

泥盆淺小詎成池夜半青蛙聖

一作聽

得知一聽暗來將

伴侶不煩鳴喚鬪雄雌

池光天影共青青拍岼纔添水數罇且待夜深明

一作乘

月去試看涵泳幾多星

芍藥

元和中知制誥  
寓直禁中作

浩態狂香昔未逢紅燈爍爍綠盤籠覺來獨對情

一作忽

驚恐身在僊宮第幾重

奉和虢州劉給事使君

伯芻

三堂新題二十一詠

并序 劉伯芻以元  
和八年出刺虢州

虢州刺史宅連水池竹林往往為亭臺島渚目其  
處為三堂劉兄自給事中出刺此州在任逾歲職  
修人治州中稱無事頗復增飾從子弟而遊其間  
又作二十一詩以詠其事流行京師文士爭和之  
余與劉善故亦同作

新亭

湖上新亭好公來日出初水文浮枕簟瓦影蔭龜魚

流水

汨汨幾時休從春復到秋只一作祇言池未滿池滿強交  
流

竹洞

竹洞何年有公初斫竹開洞門無鎖鑰俗客不曾來

月臺

南館城陰濶東湖水氣多直須臺上看始奈月明何

渚亭

自有人知處那無步往蹤莫教安四壁面面看芙蓉

竹溪

藹藹溪流慢

一作漫

梢梢岼篠長穿沙碧斨淨落水紫苞

香

北湖

聞說游湖棹尋常到此回應留醒心處準擬醉時來

花島

蜂蝶去紛紛香風隔岼聞欲知花島處水上覓紅雲

柳溪

柳樹誰人種行行夾岫高莫將條繫纜著處有蟬號

西山

新月迎宵挂晴雲到晚留為遮西望眼終是懶回頭

竹筵

無塵從不掃有鳥莫令彈若要添風月應除數百竿

荷池

風雨秋池上高荷蓋水絲未諳鳴撼撼那似卷翻翻

稻畦

罪布畦堪數

罪恭局上方日

枝分水莫尋魚肥知已秀鶴沒覺

初深

柳巷

柳巷還飛絮春餘幾許時吏人休報事公作送春詩

花源

源上花初發公應日日來丁寧紅與紫慎莫

一作切勿

一時

開

北樓

郡樓乘曉上盡日不能回晚色將秋至長風送月來

鏡潭

非鑄復非鎔泓澄忽此逢魚蝦不用避只是照蛟龍

孤嶼

朝遊孤嶼南暮戲孤嶼北所以孤嶼鳥與公盡相識

方橋

非閣復非船可居兼可過君欲問方橋方橋如此作

佐音

梯橋

乍似上青冥初疑躡菡萏自無飛仙骨欲度何由敢

月池

寒池月下明新月池邊曲若不妬清妍却成相映燭

遊城南十六首

賽神

白布長衫紫領巾差科未動是閒人麥苗含穰桑生甚  
共向田頭樂社神

題于賓客莊

榆莢車前蓋地皮  
薔薇蘸水笋穿籬  
馬蹄無入朱門跡  
縱使春歸可得知

晚春

草樹知春不久歸  
百般紅紫鬪芳菲  
楊花榆莢無才思  
惟解漫天作雪飛

落花

已分將身著地飛  
那羞踐踏損光輝  
無端又被春風誤  
吹落西家不得歸

楸樹二首

幾歲生成為大樹一朝纏繞困長藤誰人與脫青羅帔  
看吐高花萬萬層

幸自枝條

一作頭

能樹立可煩蘿蔓作交加傍人不解尋

根本却道新花勝舊花

風折花枝

浮艷侵天難就看清香撲地只遙聞春風也是多情思  
故揀繁枝折贈君

贈同遊

喚起窗全曙催歸日未西無心花裏鳥更與盡情啼

起喚

催歸二禽名也喚起聲如絡緯回轉清亮偏鳴於春曉江南謂之春喚催歸子規也

贈張十八助教

喜君眸子重清朗攜手城南歷舊遊忽見孟生題竹處  
相看淚落不能收

題韋氏莊

昔者誰能比今來事不同寂寥青草曲散漫白榆風  
架

倒藤全落籬崩竹半空寧須惆悵立翻覆本無窮

晚雨

廉纖晚雨不能晴池畔草間蚯蚓鳴投竿跨馬蹋歸路

纔到城門

一作聞

打鼓聲

出城

暫出城門蹋青草遠於林下見春山應須韋杜家家到  
祇有今朝一日閒

把酒

擾擾馳名者誰能一日閒我來無伴侶把酒對南山

嘲少年

直把春債酒都將命乞音花祇知閑信馬不覺誤隨車

楸樹

青幢紫蓋立童童細雨浮煙作綵籠不得畫師來貌音

取定知難見一生中

遣一作興

斷送一生惟有酒尋思百計不如閒莫憂世事兼身事

須著人間比夢間

御定全唐詩卷三百四十三